

來鳳縣志卷之六

學校志

古書建國親民教學為先臨雍釋菜鸞旂鐘鼓
於以育人材而作士氣者自成均以及里黨莫
不皆然故夫規制定而耳目一何虞佻達之譏
門墻峻而至道隘永無茂草之嘆來邑以苗疆
新闢少嫻書詩儒學一職前此未能專設暫附
恩施縣學每科歲兩試入土童二三名不等今

來鳳縣志書

學校

五三

則漸知誦讀文風丕起棧樸菁莪思皇多士在
指顧間已負耒橫經行將黼黻廊廟是有望于
來者作學校志

御製訓飭士子文

順治九年

國家建立學校原以興行教化作育人材典至渥也
朕臨御以來隆重師儒加意庠序近復慎簡學使
釐剔弊端務期風教修明賢才蔚起庶幾棧樸作
人之意乃比年士習未端儒效罕著雖因內

外臣工奉行未能盡善亦由爾諸生積痼已久猝難改易之故也茲特親為製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮墻朝夕誦讀寧無講究必也躬修實踐砥礪廉隅敦孝順以事親秉忠正以立志窮經考業勿襍荒誕之談取友親師悉化驕盈之氣文章歸于醇雅毋事浮華軌度式于規繩最防蕩

來鳳縣志書

學校

五三

軼子衿桃達自昔所譏苟行止有虧雖讀書何益若夫宅心未淑行己多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱幸脫褫朴濫竊章縫返之於衷寧無愧乎况鄉會科名乃掄才大典關係尤鉅士子苟有實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫

希圖進取囂凌騰沸網利營私種種弊端深可
痛恨且夫士子出身之始尤貴以正若茲厥初
拜獻便已作姦犯科則異時敗檢踰閑何所不
至又安望其秉公持正為國家宣猷樹績膺後
先疏附之選哉朕用嘉惠爾等故不禁反復惓
惓茲訓言到爾等務其體朕心恪遵明訓一切
痛加改省爭自濯磨積行勤學以圖上進國家
三年登造束帛弓旌不特爾身有榮即爾祖父

來鳳縣志書

學校

五十四

亦增光寵矣逢時得志寧俟他求哉若仍視為
具文玩愒勿做毀方躍冶暴棄自甘則是爾等
冥頑無知終不能率教也既負栽培復干咎戾
王章具在朕亦不能為爾等寬矣自茲以往內
而國學外而直省鄉校凡學臣師長皆有司鐸
之責者並宜傳集諸生多方董勸以副朕懷否
則職業勿修咎亦難追勿謂朕言之不預也爾
多士尚敬聽之哉

欽頒刊刻臥碑

朝廷建立學校選取生員免其丁糧厚以廩膳設
學院學道學官以教之各衙門官以禮相待全
要養成賢才以供

朝廷之用諸生皆當上報

國恩下立人品所有教條開列于後

生員之家父母賢智者子孫當受教父母愚魯
或有非為者子既讀書明理當再三懇告使父

來鳳縣志書

學校

五五

毋不陷于危亡

一生員立志當學為忠臣清官書史所載忠清事
蹟務須互相講究凡利國愛民之事更宜留心
一生員居心忠厚正直讀書方有實用出仕必作
良吏若心術邪刻讀書必無成就為官必取禍
患行害人之事者往往自殺其身嘗宜省思
一生員不可干求官長交結勢要希圖進身若果
心善德全上天知之必加以福

一生員當愛身忍性凡有司官衙門不可輕入即
有切己之事止許家人代告不許干預他人詞
訟他人亦不許牽連生員作証

一為學當尊敬先生若講說皆須誠心聽受如有
未明從容再問毋妄行辯難為師長者亦當盡
心教訓勿致怠惰

一軍民一切利病不許生員上書陳言如有一言
建白以違制論黜革治罪

來鳳縣志書

學校

五十六

一生員不許糾黨多人立盟結社把持官府武斷
鄉曲所作文字不許妄行刊刻違者聽提調官
治罪

白鹿洞書院揭示

父子有親君臣有義夫婦有別長幼有序朋友有
信

右五教之目堯舜使契為司徒敬敷五教即此
是也而其所以學之序有五焉其別如左

博學之審問之慎思之明辨之篤行之

右為學之序學問思辨四者所以窮理也若夫篤行之事則自修身以至于處事接物亦各有要其別如左

言忠信行篤敬懲忿窒慾遷善改過

右脩身之要

正其誼不謀其利明其道不計其功

右處事之要

來鳳縣志書

學校

五

己所不欲勿施于人行有不得反求諸己

右接物之要 某竊觀古昔聖賢所以教人為學之意莫非使之講明義理以修其身然後推以及人非徒欲其務記覽為詞章以釣聲名取利祿而已也今人之為學者既反是矣然聖賢所以教人之法具存于經有志之士固當熟讀深思而問辨之苟知其理之當然而責其身以必然則夫規矩禁防之具豈待他人設之而後

有所持循哉近世于學有規其待學者為己淺矣而其為法又未必古人之意也故今不復以施于此堂而持取凡聖賢所以教人為學之大端條例如右而揭之楣間諸君其相與講明遵守而責之于身焉則夫思慮云為之際其所以戒謹而恐懼者必有嚴于彼者矣其有不然而或出于此言之所棄則必所謂規者必將取之固不得而畧也諸君其亦然之哉

來鳳縣志書

學校

五

書籍

上諭書

資治通鑑

醫宗金鑑

御纂性理精義

大清律例

大清律續纂條例

大清律校正各條

駁呂留良四書講義

義學

縣署南一處

大旺一處

卯崗一處

學田

桐子園水田二十一坵計畝三十一畝五分一厘

竹園坵水田二坵計畝一十三畝七分五厘

來鳳縣志書

五九

縣城大旺義學均資膏火

卯崗義學司給膏火銀一十六兩正